

東興縣志總目

卷首

聖製

卷一

沿革考

附封建

卷二

星野考

附圖
附祥異

卷三

疆域志

附圖
附形勝

卷四

風土志

附物產

卷五

山川志

有圖
附古蹟

卷六

建置志

有圖
附橋梁

卷七

職官表

附兵制

卷八

循吏傳

卷九

賦役志 附郵政

卷十

學校志 有圖
附書院

卷十一

祠祀志 附陵墓

卷十二

選舉表

卷十三

人物志 一本紀
世家
世系圖
年表

卷十四

人物志二
列傳

卷十五

人物志三
列傳

卷十六

人物志四
列傳

卷十七

人物志五
列傳

卷十八

人物志六
忠節
鄉耆
孝義

卷十九

人物志六 忠節 鄉耆 孝義

卷二十

人物志八 列女

卷二十一

藝文志一 上古 周

卷二十二

藝文志二 周 左傳

卷二十三

藝文志三 周 諸子

卷二十四

藝文志四

漢唐

晉

卷二十五

藝文志五

宋元

卷二十六

藝文志六

明

卷二十七

藝文志七

國朝

卷二十八

藝文志八

詩上
詩下

二十九

金石志

卷三十

經籍志

卷三十一

雜志

鄭縣志卷之十三

物志一 本紀 世家

地自軒轅氏徙都後數千百年而有鄭有韓其間開疆闢土生
聚教訓厥功鉅矣夫古人飲食必祭先代始為之者何不忘本
也鄭之為鄭其敢忘諸君之力乎雖然軒轅氏古之聖帝鄭與
韓則國君也未可與鄉大夫並列故別為一卷錄太史公所撰
帝紀及世家而繼之世系諸圖以冠傳首並錄風后氏者亦書
法附見之義也作人物志一

本紀 附世系圖

司馬遷 龍門人

黃帝者徐廣曰號有熊少典之子姓公孫譙周曰有熊國君少典之子也皇甫謐曰有熊今河南新鄭是也

名曰軒轅生而神靈弱而能言幼而徇齊長而敦敏成而聰明軒轅之時神農氏世衰諸侯相侵伐暴虐百姓而神農氏弗能征於是軒轅乃習用干戈以征不享諸侯咸來賓從而蚩尤最爲暴莫能伐炎帝欲侵陵諸侯諸侯咸歸軒轅軒轅乃修德振兵治五氣蓺五種撫萬民度四方教熊羆貔貅羆虎以與炎帝戰於阪泉之野三戰然後得其志蚩尤作亂不用帝命於是黃帝乃徵師諸侯與蚩尤戰於涿鹿之野遂禽殺蚩尤而諸侯咸尊軒轅爲天子代神農氏是爲黃帝天下有不順者黃帝從而征之平者去之披山通道

徐廣曰披他本亦作破字

未嘗寧居東至於海登丸山及岱宗西至於空桐登鷄頭南至於江登熊湘北逐葷粥合符釜山而邑於涿鹿之阿遷徙往來無常處以師

兵爲營衛官名皆以雲命爲雲師

應劭曰黃帝受命有雲瑞故以雲紀事也

置左右太監

監於萬國萬國和而鬼神山川封禪與爲多焉獲寶鼎迎日推策舉

風后力牧常先大鴻

鄭元曰風后黃帝三公也

以治民順天地之紀幽明之占死

生之說存亡之難時播百穀草木淳化鳥獸蟲蛾傍羅日月星辰水

波土石金玉勞勤心力耳目節用水火財物有土德之瑞故號黃帝

黃帝二十五子其得姓者十四人黃帝居軒轅之丘

皇甫謐曰受國於有熊居軒轅

之邱故因以爲名又以爲號張晏曰作軒冕之服故謂之軒轅

而娶於西陵之女是爲嫫祖嫫祖爲

黃帝正妃生二子其後皆有天下其一曰元囂是爲青陽青陽降居

江水其二曰昌意降居若水昌意娶蜀山氏女曰昌僕生高陽高陽

有聖德焉黃帝崩

皇甫謐曰在位百年而崩年百十一歲帝王世紀或傳以爲仙或言壽三百歲

葬橋山其

孫昌意之子高陽立是爲帝顓頊也

錄史記按路史載黃帝紀甚詳引證亦博但其中過于神奇

處不免蹈太史公所云其文不雅馴薦紳先生難言之也故仍錄史記而附其贊于後

羅泌路史贊曰稽古齊睿崇黃紀雲合符秉籙得一奉宸并謀
兼智稽功務德立監興賢命中建極推策設部體統陰陽訪咨
岐雷爰敘五常史垂世勩車陳大路開樂雲門克諧調露袞衣
棺衾克惡不起并設什一城閭十閔去殺勝殘九瀛仰化澤被
生民祚衍天下

陳士元荒史贊曰黃帝御天適有雲瑞因雲紀官公卿悉備事
傳往牒炳炳可覲七輔協猷七相靖位辨方正時垂衣設制星
歷有司征討有帥醫闡靈樞史呈銘記奏樂端鼎名流奕世

黃帝臣一人附

風后伏羲之裔

路史國名記上世式國于風而爲姓故伏羲之後有風后又鄭樵通志氏族畧風氏姓也伏羲氏之姓

黃帝臣三公之一也

三公見本紀注

明於天道故使配上台而職天官

職官要錄

風后

初黃帝夢大風吹天下之塵垢皆去帝寤而嘆曰風爲號

令執政者也垢去土后在也天下豈有姓風名后者哉於是依占而

求之得風后於海隅登以爲相翼佐帝德以治民裁割萬方畫野分

土得小大之國萬區而神靈之封隱於其中且善伏羲之道因八卦

設九宮以安營壘定萬民之龕蚩尤之滅多出其徽猷帝在位久喜

天下戴已乃放萬機捨宮寢振轡訪道車轍半天下愛民而不戰四

方之盜起而謀之各隨方色爲號邊城曰警帝焦然嘆曰朕之過淫

矣爰命風后正軍結壘處山之軍居高水上之軍就卑近澤之軍依
水草平陸之軍擇坦易遂滅四盜而定天下當蚩尤旣北也風后復
以輕兵勦其餘惡於輞谷人賴其利後世祀爲金川之神同時大撓
正甲子探五行之情而納以五音風后釋其蘊義以致於用而三命
行矣風后著有握奇經一卷風后十三篇圖二卷孤虛二十卷俱詳
藝文志節帝王世紀叅外紀路史諸書補餘詳山川並雜志按黃
帝有七輔六相三公暨諸書所載其臣共六十五人而止著
風后者以境內大驪山有風后頂故也其他諸臣不敢附會濫入
至拾遺記載黃帝出遊使風后負書常伯荷劔旦遊洹流夕歸陰
浦行萬里而一息此又涉
于荒唐之說不足爲據也

人爲十二姓姬酉祁已滕箴任荀僖姁依是也外紀云元妃
嫫祖生昌意元囂苗龍二妃女節生休及清三妃彤魚氏生揮
及夷鼓四妃嫫母生蒼林禹陽餘子無考史記云嫫祖生子一
曰元囂是爲青陽二曰昌意帝王世紀云夷鼓一名蒼林漢書
云黃帝之子清陽其子孫名摯是爲少皞所見各不同
又按春秋命歷序黃帝傳十世一千五百二十歲

鄭世家

附世系圖

年表

司馬遷

鄭桓公友者周厲王少子而宣王庶弟也宣王立二十二年友初封于鄭封三十三歲百姓皆便愛之幽王以爲司徒和集周民周民皆說河雒之間人便思之爲司徒十歲幽王以褒后故王室治多邪諸侯或畔之於是桓公問太史伯曰王室多故予安逃死乎太史伯對曰獨雒之東土河濟之南可居公曰何以對曰地近虢鄆虢鄆之君貪而好利百姓不附今公爲司徒民皆愛公公誠請居之虢鄆之君見公方用事輕分公地公誠居之虢鄆之民皆公之民也公曰吾欲南之江上何如對曰昔祝融爲高辛氏火正其功大矣而其于周末有興者楚其後也周衰楚必興興非鄭之利也公曰吾欲居西方何